

ZAKON

O IZMJENAMA I DOPUNAMA ZAKONA O UPRAVNIM SPOROVIMA BOSNE I HERCEGOVINE

Član 1.

U Zakonu o upravnim sporovima Bosne i Hercegovine ("Službeni glasnik BiH", broj 19/02), u članu 4. iza riječi: "javne korporacije", dodaju se riječi: "Komisija za imovinske zahtjeve raseljenih lica i izbjeglica osnovana Sporazumom između Bosne i Hercegovine, Federacije Bosne i Hercegovine i Republike Srpske o prijenosu nadležnosti i nastavku finansiranja i rada Komisije za imovinske zahtjeve raseljenih lica i izbjeglica ("Službeni glasnik BiH", br. 32/04, 32/05 i 14/06), (u daljnjem tekstu: Komisija za imovinske zahtjeve raseljenih lica i izbjeglica)".

Član 2.

U članu 8. stav (1) iza riječi: "upravnog akta" dodaju se riječi: "i konačnog akta Komisije za imovinske zahtjeve raseljenih lica i izbjeglica".

Član 3.

U članu 19. stav (2) riječi: "dva mjeseca", zamjenjuju se riječima: "60 dana".

Član 4.

U članu 21. stav (1) riječi: "mjesec dana", zamjenjuju se riječima: "30 dana".

Član 5.

U članu 39. stav (2) iza riječi "presuda" dodaju se riječi: "odnosno rješenje".

Član 6.

U članu 50. stav (3) riječi: "pet sudija", zamjenjuju se riječima: "trojice sudija".

Član 7.

U članu 55. iza stava (1) dodaju se novi st. (2) i (3) koji glase:

"(2) Zahtjev za zaštitu zakonitosti može se podnijeti zbog povreda zakona Bosne i Hercegovine ili zbog povrede pravila postupka koji je prethodio donošenju pobijane odluke.

(3) Zahtjev za zaštitu zakonitosti nije dozvoljen protiv odluke koju je povodom zahtjeva za preispitivanje donijelo Apelaciono upravno vijeće."

U stavu (2), koji postaje stav (4) riječi: "pet sudija", zamjenjuju se riječima: "trojice sudija".

Dosadašnji stav (3) postaje stav (5).

Član 8.

Iza člana 60. dodaje se novi dio V-a i novi član 60. a) koji glase:

"V-a OSTALE ODREDBE POSTUPKA

Član 60. a)

Za pitanja o postupku u upravnim sporovima koja nisu regulisana ovim zakonom shodno će se primjenjivati odgovarajuće odredbe zakona kojim je uređen parnični postupak."

Član 9.

U čl. 76., 77. i 78. ispred riječi: "Izborna komisija" dodaje se riječ "Centralna" u odgovarajućem padežu.

Član 10.

U članu 79. riječi: "što prije, a najkasnije 10 (deset) dana od primitka žalbe", zamjenjuju se riječima: "u roku od tri dana od dana prijema žalbe".

Član 11.

U članu 80. stavu (1) riječi: "10 (deset) dana od dana donošenja" zamjenjuju se riječima: "dva dana od dana prijema".

Član 12.

U članu 85. iza stava (3) dodaje se novi stav (4) koji glasi:

"(4) Izuzetno, tužbe protiv konačnih akata Komisije za imovinske zahtjeve raseljenih lica i izbjeglica donesenih nakon potpisivanja Sporazuma iz člana 1. ovog zakona, podnose se u roku od 60 dana od dana stupanja na snagu ovog Zakona."

Član 13.

Ovaj zakon stupa na snagu osmog dana od dana objavljivanja u "Službenom glasniku BiH".